

ՊԱՎԵԼ ՉՈԲԱՆՅԱՆ

ՔԱՐՎԱՃԱՌԻ ԷԹՆԻԿ ԴԻՍԱԳՐԻ ՀԱՐՅԻ ՇՈՒՐՁ

Պատմական Քարվաճառի գավառը Հայաստանի պատմամշակութային հուշարձաններով հարուստ շրջաններից է¹։ Քարվաճառի տարածքը պատմական Հայաստանի թեև համեմատաբար պակաս ուսումնասիրված շրջաններից է, սակայն գրավոր մատենագրության մեջ պահպանված վկայությունները գումարվելով վիճազիր արձանագրությունների պարունակած փաստումներին, որոշակի լույս են սփռում տարածքի ինչպես սոցիալ-տնտեսական, մշակութային ու քաղաքական իրադարձությունների ընթացքին, այնպես էլ ամուր կռիվներ են էթնիկական պատմության խնդիրների հետազոտման համար։ Գրավոր սկզբնաղբյուրներում գավառը հիշատակվում է «Վայ/կ/ունիք», «Ծար», «Քարվաճառ» (Քեալբաջար) և այլ անվանումներով^{1,1}, որ պայմանավորված է հավանաբար տարբեր պատմական ժամանակաշրջաններում գավառի կյանքում կարևոր դեր ստանձնած նրա կենտրոնատեղիի փոփոխություններով։ Վաղ միջնադարում նրա սահմանը արևմտյան մասում անցնում էր Սևանի ավազանը Տրտուի ակունքներից բաժանող Ռմբոստյան լեռնաշղթայով, հյուսիսային մասում՝ Մռավի լեռնաշղթայի հյուսիսային լանջերով, հարավում՝ Աղահեջքի (Քաշաթաղ, Լաչին) լեռնաշղթայով, իսկ արևելքում ընդգրկում էր Դաղի վանքը, Լեռնաբերդ (Հավքախաղաց) սարն ու Խաթրավանքը (Վաղուհաս գյուղից արևմուտք)։ Գավառի տարածքում էին գտնվում «Բաղանիք արքունականքը», կամ, ինչպես վկայված է սկզբնաղբյուրներում՝ «Վայկունիք ջերմուկք»-ը, որը նույնացվում է հանրահայտ Ջերմուկի (թուրք.՝ Իսթի սու), հետո։ Այս գավառը օտար հարձակումներից Հայաստանի համեմատաբար լավ պաշտպանված միջնագավառներից էր և ամուր հենարան՝ հայոց արևելից կողմերում անկախ իշխանության գոյության

համար: Գավառը, կարևորագույն ռազմավարական դիրք գրավելով շրջակա տարածքների նկատմամբ, իր վրա էր հրավիրել մասնավաճողների ուշադրությունը և պատահական չէ, որ պատմական ու մշակութային մեծ անցյալ ունեցող այդ տարածքը և, ի վերջո, հայաթափ էր արվել վերջին երկու դարերի ընթացքում:

4-րդ դարում այն գտնվում էր հայոց պետականության ոլորտում և հայոց Արշակ երկրորդ թագավորի դեմ ապստամբած գավառների թվում Փավստոս Բուզանդը հիշում է մաս «ամուր գաւառն Արձսիսայ»:

Պասա թագավորի գահակալման տարիներին սպարապետ Մուշեղ Մամիկոնյանը դաժան հաշվեհարդար է տեսնում բոլոր ապստամբների հետ և այդ թվում, ինչպես հաղորդում է Փավստոսը, «հարկանէր գերկիրն Արձախայ մեծաւ պատերազմաւ, գերէր քազումս ի մոցանէն և զմնացորդացն առնոյր պատանդս և մնացեալսն ի հարկի կացուցանէր»:

Հայոց և Աղվանից թագավորությունների վերացումով և մարզպանությունների ստեղծումով Արցախը ներառվում է Պարսից իշխանությունների կողմից ստեղծված ու ձևավորված Աղվանից մարզպանության մեջ և սկսում կարևոր դեր խաղալ նրա քաղաքական ու մշակութային կյանքում (կրելով հաճախ մասն Աղվանք անվանումը), մնալով սակայն հայկական ու հայաշունչ տարածք:

«Աշխարհացոյց»-ի մեջ գավառը հիշատակվում է Մեծ Հայքի տասներորդ մահանգ Արցախի կազմում: «Տասներորդ [աշխարհ] Արցախ յերի կալով Սիւնեաց, ունի գաւառս երկոտասան. զՄեւսն Հաբանդ, զՎայկունիս, զԲերդաձոր, զՄեծ-Առանս, զՄեծ-Կուանս, զՀարճլանս, զՄուխանս, զՊիանս, զՊարսականս, զՔուստի, զՓառնէս, զԿողթ, յորում լինի քարախունկ. զայս ամենայն Աղուանք ունին հանեալ ի Հայոց»²:

Արդեն 6-րդ դարի վերջերին, որպես «քաղաքագետ» է հիշատակվում Վայկունիք — Ծարի արևմտյան եզրին գտնվող Սաւդը: Այն գտնվում էր Դվին-Պարտավ և Նախիջևան-Պարտավ բանուկ ճանապարհին: Ուշագրավ է, որ այդ ուղին էին ընտրել մասն բյուզանդական ու պարսից արքունիքների հետապնդումից խույս տվող հայ մախարարներ Ատատ Խորխոռունին և Սամուել Վահևունին իրենց զորքերով³, որոնք «գօրօքն իւրեանց ...գմացին ընդ քաղաքագեղն կոչեցեալ Սաւդայ, հասանեին յաշխարհն Աղո-

ւանից, ի Հոնս դէմս արարեալ, և անցեալ ընդ գետովն որ կոչի Կուր՝ բանակէին առ գետեզերքն»⁴: Այս շրջանից արդեն Վայկունիքը հիշատակվում է որպէս իշխանանիստ կենտրոններից մեկը, որի տերերն էին Գեղամայ գավառը ևս բռնությամբ գրաված Սահլ Սմբատյանը («որ էր ի տոհմէն Հայկայ՝ տէր Սիւնեաց») և նրա ժառանգները⁵:

9-րդ դարում Գեղամա լճից արևելք ընկած տարածքները եղել են Հայաստանի առավել ապահով վայրերը, որի մասին են վկայում 893թ. գրված հիշատակարանում պատմվող Մաշտոց Եղիվարդեցու համառոտ կենսագրության տողերը. «Սա ի տոհմէ քահանայական, ի գեղջէն Եղևարդայ, ի ժառանգաց մենաստանաց, որ անուամբ Սրբոյն Թէոդորոսի էր: Եւ ի զաւրանալ բռնակալութեանն տաճկաց ի վերայ զաւառին, ելեալ հայրն նորա ի տիս մանկութեան, և զնաց պանդխտութեամբ ի զաւառին Սոթից, և անդ կացեալ և ամուսնացեալ, ծնաւ զգեղեցիկ աղաւնին Քրիստոսի, զոր պատմել սկիզբն արարեալ են, հանդերձ եւ այլ եղբարք և քերքք: Այա ուսուցանելով զորդիսն իւր՝ յարելով յուսումն աստուածային, քանզի և ինքն քահանայ էր: Յետոյ ի վախճանելն նորա յարեցաւ մանուկն Մաշթոց ի կրանատրս և աջողեալ նա ի ձեռն կրանատրազգեցի, որոյ անուն կոչի Թէոդորոս: Վարժեցաւ և հմուտ եղև գրոց սբբոց և նոցին աստուածազգեցող զաւրութեանցն ի կրանաստանին, որ կոչի Մաքենոցք, ի զաւառին Գեղարքունիք, և ընկալաւ զաստիճան քահանայութեան»⁶: Նույն դարում գավառը հիշատակվում է իշխանանիստ Վայունիք կենտրոնի անունով: Մովսէս Կաղանկատվացին նշում է, որ «Ատրներսեհ շինէ զբերդն Հանդու (Հանդարերդ-Պ. Չ.) և զապարանս իւր եղեալ ի գիւղն, որ կոչի Վայունիք, ուր և բաղանիք արքունականք են»⁷: Ատրներսեհն ունեցել է երկու որդի՝ Գրիգոր և Ապուսեթ: Այժմյան Մեծ Մագրա գյուղի հին գերեզմանատանը պահպանվել է Ատրներսեհի որդու՝ Գրիգորի, կողմից կանգնեցված բազալտե խաչքար հետևյալ արձանագրությամբ. «ՅԼ (881) քվականութեանս հայոց ես՝ Գրիգոր Ատրներսեհեան Սիւնեաց եւ Աղվանից իշխան կանգնեցի զսուրբ Նշանս աւգնական հաւատացելոց, որք երկրպագէք սուրբ խաչիս Քրիստոսի, զիս յաղաթս յիշեսցիք»⁸, որին վերագրվում է նաև Հավքախաղաց բերդի կառուցումը՝ «շինէ զՀաւախաղացին բերդն և յայն կողմն ձգէ զձեռն իւր իշխանութեանն...»⁹:

Արդեն 11-րդ դարի սկզբից սկզբնադրյուններում գավառը սկսում է հիշատակվել «Ծար» անվանումով: 1006թ. Սարգիս Ա Սևանցի կաթողիկոսը սահմանում է Սյունյաց հոգևոր թեմի տիրույթները. «Հատանէ և զսահման Աղուանից Ըոմբի խոռն՝ Ծար գաւառ, Աղահեճ, ընդ որ Աղունոյ գետն հատանէ մինչ ի Քարավազին կանուրջն...»¹⁰: Ըստ ականատես Գրիգոր Մագիստրոսի նկարագրության. «Ասեմ քեզ ի մերում սեփականին իսկ՝ յԱղուանն աշխարհի, յաւանն կոչեցեալ Ծար, եւ ահա ոչ ծեքաբանեն քեզ, մակաբուսեալն վաղմջուց գեղեցկուղէշն զի, յորմէ սիւնս ոչ սակաւս՝ հզօրս եւ ստուարս ի կոչարանում անդ տեսեալ մեր, և գերանք գերակատարք և երկայնաձիգք՝ որ է վկայարան սրբոյն Յակովբայ: Ամենայն կահք տաճարին գերակայ՝ տախտակք, և խոյակք, և խարիսխք, և զթակաղակք, և զդրոմս, և զսեանս հանդերձ բարավորօք, և ներքոյ գատակս կազմեալ ի միոջէ ծառէ յայնմանէ գիոյն զոլ ասեն զնա և զայլս ոմանս ի նոյն աշխարհին ընդարձակագոյն սրահք և միջոցք այնմ տաճարի տեսեալ մեր, որ գրեթէ այսպիսի ոչ այլ ուրեք՝ բայց միայն ի թագաւորեալ քաղաքին»¹¹:

Վայունիք — Ծարը այնուհետև ընդգրկված ենք տեսնում Խաչենի միասնական իշխանության կազմում: 11-12-րդ դարերում նա դիմագրավում է սելջուկյան արշավանքներին ու Գանձակում հիմնավորված Շեղադյան ամիրայության ոտնձգություններին՝ շարունակելով նշանակալի դեր խաղալ հայոց քաղաքական ու մշակութային զարգացման մեջ: Սելջուկների կողմից Գանձակի գրավումից և Շաղադյանների իշխանությունը վերացնելուց հետո (1086թ.) քաղաքի կառավարիչ էին նշանակվում սուլթանական արքունիքի անդամները: 12-րդ դարի կեսերին Գանձակում քաղաքագլուխ կարգված Խուիստուղտին ապստամբեց սուլթան Մաստուդի դեմ, իսկ ապստամբությունը ճնշելու համար Պարսկաստանից ժամանած Չոլի զորապետը ապստամբների հետ հաշվեհարդար տեսնելուց հետո արշավում է նաև Արցախ, և, ըստ Մխիթար Գոշի վկայության, 1145թ. «էառ զամենայն ամրոցս նոցա, քակեաց եկեղեցիսն և այրեաց զվանդորեայսն, կոտորեաց զազատսն և գերեաց զգօրականսն...»¹²:

Ուշագրավ է, որ հաջորդ տարին ևս վերադառնալով Այսրկովկաս, Չոլի ամիրան կրկին արշավում է «ի կողմն Խաչինոյ, Տանձեաց և Աղախայ, քանզի յառաջանում նուագին ոչ մնացին ընդ ձեռամբ նորա դղեակք այնոքիկ, զորս էառն, այլ սակաւ ինչ,

մնացեալքն յազատացն անտի, որք էին դողեալք յանտառս մայրեաց, առին դարձեալ զբերդ—ամրոցսն իւրեանց և դարձեալ ապստամբութեամբ վարէին ընդ տաճկացն»¹³։ Չոլի ամիրապետը փորձում է վրեժխնդիր լինել, սակայն չկարողանալով գրավել ամրոցները, բավարարվում է գավառների ավերումով ու հրկիզմամբ. «զառաքելադիր ուխտ սրբութեանն, որ կոչի Դադու վանք», ապա հեռանում է և գնում «յաշխարհն Մարաց»։

Հետաքրքրական մի ավանդություն է պահպանվել Դադի վանքի հիմնարկության վերաբերյալ։ Վանական վարդապետի «Այլ բան ասացեալ Վանական վարդապետին» թղթում, որտեղ ասվում է. «Դադիում յեթանասնիցն, որ գնաց հրամանաւ Թադէոսի ի Մեծն Հայք և ի կողմանս հիւսիսոյ, և լուեալ զմահն Աբգարու և դարձեալ եմուտ ի Փոքր Միւնիս և կրանատրեալ անդէն ծածկաբար վախճանեցաւ և տեղին շինեցաւ վանք և յանուն նորա կոչեացաւ...»¹⁴։

12-րդ դարի երկրորդ կեսին Ծար գավառը գտնվել էր Հաթերքի տեր և Խաչենի իշխանաց իշխան Հասանի տիրապետության ներքո։ 1182թ. Վախտանգ Մակառի որդին՝ Հասանը, որ տերն էր «Հաթերո եւ Հանդաբերդո, Խաչինաբերդո եւ Հաւախադացին», Դադի վանքում գտնվող խաչքարի վրա թողած արձանագրության մեջ հաղորդում է, «կացի յաւագութեան ամս Խ(40) շատ պատերազմաւ և յաղթեցի թշնամեաց իմոց աւգնութեամբն աստուծոյ, և եղեն ինձ 2(6) որդի, զբերդերս եւ զգաւառս ետու նոցա եւ եկի ի վանքս յիմ եղբայրս՝ ի տեր Գրիգորէս եւ եղէ կրանատր... ՈԼԱ (1182) թուիս»¹⁵։

Հայաստանում Չաքարյանների տիրապետության շրջանում Ծար գավառի տիրակալները ևս ենթարկվում էին Չաքարյաններին։ Նույնիսկ մոնղոլական տիրապետության ժամանակաշրջանում Ծար գավառի տեր Գրիգոր Մեծ իշխանը շարունակում էր ենթակա լինել աթաբեկ Իվանէի որդի Ավագին և նրա դեկավարության ներքո էլ մասնակցել է դեսպի Կարին ու Կեսարիա մոնղոլների կատարած արշավանքին¹⁶։ Հավանաբար այդ ժամանակ Սողը, այն է՝ Սևանա լճի արևելյան ափը, ընդգրկված էր Ծարի իշխանության կազմում և այդ է ամենայն հավանականությամբ այն պատճառով, որ Վարդանի Աշխարհացույցում բացատրվում է, թե «Սոթից գավառ Ծարա երկիրն է»¹⁷։

1227–1228թթ. խորեզմշահի վեզիր Շարաֆ ալ–Մուլքը, հարկերի հավաքման նպատակով արշավոյն է Առան և ապա կանգ առնում «Խաչեն բերդի մոտ, որտեղ գտնվում էր Ջալալ աղ Դինը՝ Իվանե Ջաքարյանի (Իվանե ալ–Կուրջի) քրոջ որդին։ Շարաֆ ալ–Մուլքը սկսեց սպառնալ և ահաբեկել նրան մինչև համաձայնության եկան հաշտվել՝ պայմանով, որ նրան կվճարեն տաս հազար դինար բերբերի և կազատեն յոթ հարյուր գերի մուսուլմանների, որոնք գերվել էին վաղուց կամ վերջին ժամանակներում։ Նրանց մեջ կային և այնպիսիները, որոնց գերել էին դեռևս մանուկ հասակում, իսկ գերությունից ազատվում էին արդեն ծերացած»¹⁸։

Ծար բնակավայրը, ըստ Ստեփաննոս Օրբելյանի բերած եկեղեցական հին հարկացուցակի, վճարում էր 15 հարկաչափ, որը մնացած բնակավայրերի համեմատությամբ բավական բարձր թիվ էր և վկայում է 13–րդ դարում նշված բնակավայրի մեծության մասին¹⁹։

Պատմելով 1250 թվականին Ծարում սկսված մի շարժման մասին, որն ամենայն հավանականությամբ պայմանավորված էր տեղի բուժիչ ջրերով բժշկվելու համար մեծաքանակ ժողովրդի այցելություններով և անձնավորված էր Դավիթ Մուրթեցուցիչ անվան հետ, Կիրակոս Գանձակեցին գրում է. «Գիւղ մի է ի սահմանս Գեղարքունոյ ծովուն, ի կողմ Խաչենոյ, հուպ ի բերդն Հանդաբերդ, ուր ջերմուկն է՝ Ծար անուն։ Ի մնա էր այս այր ի չքաւորաց և ի տմանկաց, պահէր զջրադաց նոցա և յայնմանէ կերակրէր ինքն և կին իւր և որդիք...»։ Դավիթը սկսում է բժշկել տարբեր հիվանդություններ ունեցող այցելուների, որով և ձեռք է բերում մեծ համբավ։ Օգտագործելով իր համբավը, Դավիթը սկսում է քարոզել, ինչպես Կ. Գանձակեցին է հաղորդում, «Քրիստոս երևեցաւ ինձ և ասաց. թե՛ դարձո՛ գաշխարհս և բժշկութիւնս կատարեալ»։ Եւ յարեցան ի նա, արարին խաչ բարձրաբերձ և կանգնեցին զմա ի դուռն եկեղեցոյն և զենին մնա զուարակս և տային ի մտոյն և յոսկերաց զուարակին և ի տաշեղէ խաչին և ի հատէ կորեկոյն... որպէս նշխարս օրհնութեան ամենայն ուխտականացն»... Ծար ավանի այցելուները հետզհետեւ բազմապատկվում էին, որոնք «զմային բազում պատարագօք՝ ոսկով և արծաթով և զուարակաւ և ոչխարօք»։ Ուշագրավ է Կիրակոս Գանձակեցու հաղորդումը այն մասին ևս, թե՛ «տէր գեղջն, քանգի պարսիկ էր, առնոյր զբա-

ծին իւր յընչիցն, քանզի յոյժ բազումս տանէին և յօժարութեամբ տային»։ Չբավարարվելով դրանով, Դավիթը հայտարարում էր նաև, թե «յԱրշակունեաց ազգէն եմ ես, և պարտ է որդւոց իմոց լինել միոյն քագատր և միսոյն՝ կաթողիկոս»։ Թե որքան մեծ ծավալ էր ընդունել այս շարժումը, երեւում է Դավիթի և նրան հարած կամ այցելած մարդկանց դեմ հարուցված հալածանքներից։ Նզովքի ու բանադրանքի նամակներ են գրել ժամանակի մեծ հեղինակութւոյն ունեցող Վանական վարդապետը Խարանաշատից, ինքը՝ Կիրակոս Գանձակեցին, Հաղպատի առաջնորդ Համազասպ եպիսկոպոսը։ Այն ժամանակ, երբ Դադի վանքի Գրիգոր եպիսկոպոսը, Վարդան վարդապետը «բազում քահանայիք» ժամանում են Ծար և վարձում կործանել Դավթի կանգնեցրած խաչը, «յարեաւ ամենայն ամբոյս բազմութեանն որովք և բրովք, կամէին սպանանել զնոսա» — գրում է Կիրակոս Գանձակեցին։ Ուշագրավ է, որ Դավիթը, ի վերջո, հեռանում է Ծար այցելած մի խումբ գառնեցիների հետ, որոնք այդ միջոցին վերադառնում էին «փ մեծ դրանէն»²⁰։

1267 թվականին է վերաբերում մի վավերագիր, որը պահպանվել է հետագա ընդօրինակությամբ. «Ի ԶԺԶ թուին հայոց և յամի տեառն 1267 կամաւն ամենակալին աստուծոյ և տեառն մերոյ Յիսուսի Քրիստոսի։ Այս գրիս մեր գիրն է իշխանական հրամանի։

Ես Տուրսունս, Սեյսիս, Պռոշս, Գրիգորս, Հասանս և եղբարքս և որդիքս մեր յազգէն Տոփիեացն մեծ իշխանաց իշխանին, զայս հաստատ սիկիլս տուաք Ասազ եպիսկոպոսին և իւր եղբայր Մանուէլ արեղային, որ մեր հայրենի աթոռն զԽաթի վասն, զԳետամիջի վասն, որ մեր գերեզմանատուն է ի մեր պապանց մեզ մնացած, վասն սոցա լաւ միամտութեան համար, զի վանորայքս մարդ չկայր, որ յառաջ կայր և շէն պահէր և զեկեղեցիս լուսաւորէր, յայս պատճառէս զայս սուրբ աթոռնին ի նոցա ապսպարեցաք, և զերկու իշխանութիւնն, որ է եպիսկոպոսութիւն և պարոնութիւն էլ հենց ի նոսա յանձնեցաք և ի նորոգութիւն սուրբ աթոռոյս և սահման ժառանգութեամբ նոցա զիւորայս, ագարակս, այգիս, ջրաղացս յանձնեցաք, ով որ գործ ածէ, տասանորդն տան յիշեալ վանորէիցն Ապահէն, Խութ, Խազինակն, Չափարան, Բռնչի աղբիւրովն, քաղանանց գետովն։ Պետրոսապակ, որ մեր պապերն տուեալ են, Սոխանանց, Ծովատեղին, Ջաջուռանց, Չովրեկեանց,

Յրտուտն, Շիրմանանց, Գրիգորաթաղ, Հիրանանց Հակառակաբերդովն, Նավի աղբիւրովն, Բերդաքարովն, Կռապաշտուցովն, Ողնովն, Խոյենակայ մեծ այգին, Մանանաձորովն, Ծաղիկանց, Եզնարածանց տուաք Աւագ եպիսկոպոսին, որ մեր ճոճատը էր, այսինքն՝ ազգական, քանի որ իւր պետք է ինքն վարէ, աստուծով ազատ է: Իսկ թէ այլ մարդ վարէ՝ տասնորդն առնու ու տայ վանքին, անպատճառ: Այս եղև մեր ուխտ առաջի աստուծոյ և սուրբ Տաթի առաքելոյն: Արդ, ով որ զկնի մեր այս վախճախաթերս այլայլէ՝ կամ խլէ թէ յորդուց և թռանց մերոց և ազգայնոց, իցէ առաջի աստուծոյ պարտական և սկերես լինի, ՅԺԸ հայրապետաց նզոված է և Կայենի և Յուդայի դասակից, իսկ թէ այլ ազգաց կամ թուրքաց իցէ՝ իւր հալալն հարամ լինի և իւր փեղամբարեն ապիզար լիցի, ամեն»²¹:

1328 թվականին գրված հիշատակարանում խոսվում է Լևայ վանքին տրված մի ավետարանի մասին, որի պատվիրատուն էր Ռուզուքանը²² 16-րդ դարի հիշատակարաններից մեկում Ծար երկրանվանը զուգահեռ գործածված ենք տեսնում նաև Վակունիս գավառանունը: Լենկ Թեմուրի արշավանքների շրջանում (1387թ.), գրված այդ ձեռագրի գրիչը, ասում է. «նախ հալածվելով փախա Վակունիս գաւառ, ապա Ղարաբաղ, Ծափանիս գիւղաքաղաք, հուսկ ուրեմն վերստին եկի բնիկ երկիրս Ծար»²³: Որքան էլ Ծարը պաշտպանված էր օտար թշնամիների անակնկալ հարձակումներից շրջակա հայաբնակ գավառներով, այնուամենայնիվ նա ևս չէր կարող զերծ մնալ թշնամու ավերածություններից: Գրիգոր Խլաթեցու «Յիշատակարան աղետից» երկում, որ գրված է 1422թ., Լենկ Թեմուրի 1387թ. արշավանքի նկարագրության առիթով նշվում է.

Այլ և զՀասանն Ծարեցին

Երեք որդւովքըն զենեցին,

Զի զնոցին ամուրն առին

Եւ զքազունս գերեցին...

Եւ զԿապուտից ամուրն առին,

Եւ չորս հարիւր անդէն սպանին,

Եւ յԵրևան մեծ աւանին

Արս հինգ հարեր կոտորեցին²⁴:

Ժամանակագրական կարգով հետևելով Ծար երկրամասի պատմությանը, ականատես ենք լինում մի ուշագրավ իրողության:

15-րդ դարի սկզբից սկզբնադրյուններում հանդես է գալիս նաև Քարավաճառ տեղանունը, նախ որպես գյուղանուն, ապա և, որպես գավառանուն: 15-17-րդ դարերում, որպես գավառանուն դեռևս շարունակում է գործածվել նաև Ծաբը: Այսպես, 1402թ. գրիչ Թովմա Սյունեցին գրում է. «Եւ կատարեցաւ սայ ի թուականութեանս հայկազեան տաւմարի ութհարիւրերորդի յիսներորդի առաջներորդի ամի, ի հայրապետութեանն հայոց և Աղուանից՝ երկոցունց տէրանց Կարապէտք կոչեցելոց, զոր այսպէս պատահեցան ի մերումս ժամանակի՝ անուանակիցք զոլ միմեանց և յարիւսպետութեանս այսմ նահանգիս տէր Չաքարիայի Դադի վանուց վերատեսչի, ի հռչակաւոր երկիրս Ծար, ի գետս Քարավաճառ, ընդ հովանեաւ սրբոցս, որ ի սմա...»²⁵: Ծար գավառի պատմության համար կարևոր վկայություններ են պահպանվել 1411թ. արտագրված ճաշոցի հիշատակարանում. «Գրեցաւ և գրաւ առեալ աւարտեցաւ աստուածամեծար սուրբ գիրքս ի թուարեութեան հայկազեան տօմարիս ՊԿ (1411), ի թագաւորութեան Յուսուֆին, ի հայրապետության հայոց տէր Կարապետի և յԱղուանից՝ նորին անուանակից տէր Կարապետի և յեպիսկոպոսութեան նահանգիս աթոռոյն Աղդէի՝ տէր Չաքարիայի և յիշխանութեան տեղոյս պարոն Վահրամայ, պարոն Տուրսունին, պարոն Շրուանին, պարոն Սասոյին, պարոն Պոռշին, պարոն Գրիգորին, յաստուածաշէն երկիրս Ծար կոչեցելոյ, ի վանս Գետամէջ, ընդ հովանեաւ սուրբ Աստուածածնիս և այլ սրբոց նշանացս... ամէն: Յիշատակ եղիցի և ի սմա հանգուցեալ իշխանացն այսմ նահանգի... նախ մեծաշուք իշխանին Հասանայ որդոյ Դօբին և ամուսնոյն իւրոյ Խոնձային և զաւակացն իւրոց՝ քաջ և արի պարոնացն Գրիգորայ, Սարգսի, Շանշի, Ջհանշի, Աղբուղին, Շրուանին, նաև թագաւորս իշխանին Սադունին, զոր տէրն տէրանց և թագաւորն՝ ընդ սրբոց թագաւորացն և բարեպաշտ իշխանացն դասեսցէ և պսակեսցէ զնոսա, ամէն:

Յիշատակ եղիցի և ի սմա ազատացն տանս Դաւրեան, նախ ամենայն օրհնութեանց արժանաւոր պարոն Աթապակին և այլ ամենայն ազատացն: Նաև յիշել ի տէր զամենայն տանուտեարսն աստուածաշէն երկրիս Ծարայ, նախ Չազիկ... Գրեցաւ սուրբ տառս ձեռամբ Սիւնեցի Թովմա գրչի, ի խնդրոյ Յովհաննէս քահանայի»²⁶:

Ծար գավառի գրչության կենտրոններից 15-17-րդ դարերում առանձնապես հայտնի էին Գետամիջոյ և Դաղի վանքերի գրչատները: Գետամիջոյ վանքում արտագրված Ավետարաններից մեկը ունի հետևյալ հիշատակարանը. «...Արդ, գրեցաւ սուրբ Աւետարանս ձեռամբ մտերիմ և անընդաբոյս և ամենայն առաքինութեամբ զարդարեալ տեսականաւ և զործնականաւ՝ Թովմայի կուսակրան արեղայի, ի թուականութեանս հայկազեան տումարի ՋԵ (1456), ի հայրապետութեան Աղուանից նահանգի տեառն Յովհաննիսի որդոյ մեծի իշխանին հայոց պարոն Ջալալին, և յաշխարհակալութեանն արեանարբոյ բռնատրին Ջհանշայի, ի սուրբ և ի հռչակաւոր վանքս Գետամիջոյ, ընդ հովանեաւ սուրբ Աստուածածնիս, և Մարդադօնեաց սուրբ Ստեփանոսիս, և այլ բազմութեան սրբոց»²⁷: Գետամիջոյ ուխտը ուշագրավ կարգավիճակով է հիշատակվում 15-րդ դարի մեկ այլ հիշատակարանում. «Ի ժամանակիս յայսմիկ, որ վասն ծովացեալ մեղաց ի վտանգի կայր ազգն քրիստոնէից ազգէն անօրինաց, և էր թուականն հայոց ՋԻԲ (1473), և ողիմբիաթն, որ է նահանջ ՄԼ (230), ի դանութիւն Հասան-բէկին որ գնաց յաշխարհն Հոռոմաց և ազգի չարութիւն հասոյց ի հետ ազգին տաճկաց, և ի կաթողիկոսութեան հայոց տէր Ռաստակէսի, և ի հայրապետութեան սուրբ ուխտին Գետամիջոյ տէր Սարգսի, և փակակալութեան տեղոյն Յովհաննէս կուսայկրան արեղայի: ...Գրեցաւ սուրբ Աւետարանս ի գաւառս Խաչենաձորոյ, ընդ հովանեաւ սուրբ Ստեփաննոսի, սուրբ Սքանչելագործ Նշանիս, սուրբ Սարգսի, և ի տէրութեան տեղոյս պարոն Վելիջանին, զոր տէր աստուած ընդ երկայն աւուրս արասցէ: ...Գրեցաւ սուրբ Աւետարանս... ի խնդրոյ արքեպիսկոպոսի... պարոնտէր, թողութիւ արարէք, եղանակիս, որ գրեցաւ՝ անձրել խիստ և տեղիքս՝ գէն և հողս՝ ջրքաշ, և ես՝ մենակ»²⁸: Նույն դարի մի արձանագրությունից երևում է, որ երկրի ամայությունից դրդված Դովյաններն իրենց կալվածքների մի մասը հանձնում են Դաղի վանքում, Խաթրի վանքում և Ծարի Գետամիջոյում նստող իրենց ազգականներին, «զի վանաւրայքս մարդ չկար, որ յառաջն կայր և շէն պահէր և զեկեղեցիքս լուսաւորէր, յայս պատճառէս երես դրաք և զայս սուրբ աթոռնին ի նոցա ապսպրեցաք և զերկու իշխանութիւն, որ է եպիսկոպոսութիւն և պարոնութիւնն էլ հենց ի նոսա յանձնեցաք»²⁹:

16-րդ դարում Ծարի իշխանությունը շարունակում էր գործել լինել և ապաստան ծառայել թուրք-պարսկական պատերազմների թատերաբեմից և Արևմտյան Հայաստանում մոլեգնող հալածանքներից ու սովից փախչող բնակչության համար: Հայսմավուրքի հիշատակարանում նշվում է, թե «եւ գնացեալ փախստական ոմն ի Հոռմաց տունն, ոմն՝ ի Թուրքստան և ոմն՝ ի Գուրջլստան... և մեք միաբանաւ ընդ բազմացն փախուցեալ և ազատեցաք... և եկեալ Վերին Գեղամայ դարիպ և ատարական և հասաք շրջագայութեամբ ի յաստուածապահ յամուրն Ծար: Եւ կամեցողութեամբն իշխանաց տեղոյն պալոն Սիրգաջանին և Դաւստիբեկին և հոգևոր մարցն իմ Բեկադին և Գաւգալադին, բնակեցաք ի վանքս Գետամէջ ընդ հովանեալ սուրբ Աստուածածին...»³⁰:

1568 թ. Վակունիս երկրի Արախիշ գյուղում Կարապետ արեղան ընդօրինակել է երկու ավետարան /ՄՄ, ձեռ. 2537 և 4181/: 1570 թվականին է վերաբերում հետևյալ հիշատակարանը. «Արդ, գրեցաւ սուրբ ատետարանս ի թուականութեան հայոց Ռ-ԺԹ /1570/ ի հայրապետութեան տեառն Գրիգորիսի կաթողիկոսի ի յաթոն Գանձասարայ և ի դանութեան շահ Թամազին որդոյ շահ Իսմայելին. արդ գրեցաւ ի գաւառս Վակունիս, ի գիւղս, որ կոչի Հովատուս, որ Հընկուզակս անուանի, ի տուաս՝ սուրբ եկեղեցւոյ, որ է մասն Պանտալեոն բժշկի և մասն տապանակի և Մեռեռնոսի զինուորի և Ակոբա և Ըստեփանոսի Նախավկայի: Արդ գրեցաւ ձեռամբ Հայրապետ արեղայի ձուլ՝ և անարժանի: Յիշատակ և ինձ և եղբարս իմ Նահապետ քահանային անջինջ յիշատակ և փրկութիւն հոգոյ՝ մերոյ և ծնողաց մերոց. հորն մերոյ Խասիկին և մորն մերոյ Հոմանին և եղբարցս Կոստանտին և Թորոսին...»³¹:

16-րդ դարում չնայած տարածաշրջանում տիրող քաղաքական անկայուն վիճակին Ծար գավառում և, մասնավորապես Դադի վանքում, շարունակվում էր նշակութային կյանքը, ստեղծվում էին նաև մատենագրական երկեր: Հովհաննիսիկ Ծարեցու կազմած ժամանակագրության մեջ մեծ հարգանքով խոսվում է մեկ այլ նշանավոր Ծարեցու մասին. «սույն թուականի /1583/ եղև վախճանք մեծ և երանաշնորհ վարդապետին մերոյ Յոհաննիսի: Եւ զի էր նա ի յերկրէն Ծարայ, Փոքր Միւնիս կոչեցելոյ, ի վանիցն Դադիոյ սուրբ յառաքելոյն, որդի յումեմն ազատի և բարեբարոյի Ջհանշահ կոչեցելոյ, յազգէ Դօփեայ և Հասանայ: Եւ էր նայ յա-

շակերտ մեծ վարդապետին Ղուկասու Հախապատեցոյ, յոյժ սրբասեր և աստուածասեր... յոյժ ընթերցասեր և գրասեր, մինչ զի բազում գրեանս ետ գրել յիւրն յիշատակ և այլ սպասք և զարդ եկեղեցոյ յոյով: Եւ յալտրեալ լի յաւուրքք հանգեալ խաղաղութեամբ ի Քրիստոս ի յունուար ամսոյ Ի /20/ ի ՌԼԲ /1583/ թվականիս մերոյ, որոյ պատուական մարմինն նորա եղեալ կայ ի յերկիրն Գեղամայ ի գելդն Վասակաշէն, հուպ տամպարանի վարդապետն Սարգսի»³²:

17-րդ դարի սկզբին, թուրք-պարսկական պատերազմների տարիներին, ծանր իրավիճակ էր ստեղծվել նաև Ծարում և շրջակա գավառներում: 1606 թ. Գեղարքունիքում գրված հիշատակարաններից մեկում հանգամանորեն նկարագրվում են այդ տարիների իրադարձությունները: Հիշատակելով շահ Արաս Առաջինի հրամանով կատարված բռնագաղթի մասին և արձանագրելով, թե իբր Արաքսի գետանցման ժամանակ «ոչ ոք վնասեցո խնամովն աստուծոյ», միաժամանակ գրիչ Դավիթ եպիսկոպոսը ստիպված էր արձանագրել նաև, թե «յայնմհետև ոչ ոք գտաւ հանգիստ աշխարհի»: «Յորժամ հեռացաւ շահն երկրէս հայոց, արձակեցան անողորմ ազգն Աւսմանին ի վերայ մնացելոցն երկրին Գեղամայ, որ ոչ կարացին տանել ազգն պարսից, որ անխնայաբար և անկարելի հարկս պահանջէին ատուս ծներայնոյ, որ ոչ կարացին ժուծել: Եհաս խապարս Ամիրզոնա խանին, որ էր ի ամուրն Երնջակայ, և նա առաքեաց ի զօրաց իւրոց զոմն Դատաբէկ անուն ի վերայ Մալմայդանի որդւոյն, որ տիրէր երկրիս Գեղամայ, և եկեալ կոտորեաց զամենեսեան ի գիւղն Կոթ: Եւ այսմն պատճառի յիսս կալաւ ի վերայ երկրիս ազգն Աւմարին: Յորժամ եղև զարում, այս բարեմիտ և իմաստուն իշխանս պարոն Մէլիք Շահնազարս, իմացաւ զոիսս սրտից Օմար ազգին, հրաման արար, երկրիս, թէ «եկայք մտցուք յամուրս, զի մի լիցուք կոխան այլազգեաց» և ինքն զմաց ի Ծար և Տպել»³³: Եւ որք զհետ նորա զնացին, զերծան ի սրոյ և ի գերութենէ այլազգեաց: Եւ յետ սակաւ ատուրց ելին զօրքն Գանջայոյ ի վերայ Գեղամայ երկրիս, զոմանս կոտորեցին, և զոմանս գերեցուցին Գ/3/ անգամ, թողին մեծ սուր և կսկիծ մեզ ամենեցուն: Ազգ մի ի սոցանէ եկին ի Լոռոյ, և մնացեալքն սոցանէ՝ նոքա գերեցին և կոտորեցին»³⁴: Հիշատակարանի հիման վրա կարող ենք պնդել, թե Ծարը զերծ էր մնացել թուրքական զորքերի ներխուժումից, իսկ տեղական իշխողները շարունակել են մնալ

հայ տիրակալները: Այդ պնդումը հաստատվում է մասնավորապես Հաթերքի համար: 1620 թ. ավետարանի գերությունից ազատողը եղել է հենց Հաթերքի «իշխան և տեր» Հովհաննեսը. «Դարձեալ յիշեցէք զպարոնտէր Յոհաննէս, որ է իշխան և տէր Հաթերքոյ, բազում աշխատութեամբ ազատեաց զսուրբ Աւետարանս ի ձեռաց այլազգեաց ի քաղաք Գանձայ: Յիշեցէք... իւր ծնողաց պարոնտէր Արիստակիսին, պարոն Խանումխաթունին, և եղբորն՝ պարոն Դալաբեկոյն, և պարոնտէր Յոհաննիսին և կողակցին՝ պարոն խաթունադին և որդւոյն՝ պարոն Եարիբեկին, և դստերացն՝ պարոն Խանփարուն, պարոն Նազլուխանին, Դամարսուլթանին և պարոն Զիլփիխանին, պարոն Դալաբեկին կնոջ պարոն Խանսուլթանին, և որդոցն՝ Պայընդիւրբեկին և Թաճումադին»: Ուշագրավ է նաև այն հանգամանքը, որ պարոնտէր իշխան Հովհաննեսը անվարձահատույց վերադարձրել է Ավետարանը նրա նախկին տերերին, այն է՝ «պարոնտէր Վարդանի ձեռօք»... «ի գաղն, որ կոչի Գաւառ, ընդ հովանեաւ Ս. Սարգսին և Ս. Յովհաննիսին»³⁵: Նույն թվականներին մեկ այլ ձեռագիր՝ Քարոզգիրք է նվիրվել Ծարայ վանքին. «...արդ ...տեսանք, որ մեծ Զաքարեա պարոնատէրն առեալ էր Քարոզագիրքս խիստ փափականօք, Ծարայ վանքին և սուրբ Աստուածածնին դրան յիշատակ և վախմ իաթ (°) Աւետիսինն այ: ԶՌ- (6000)-ի էր առել. անօրինաց ձեռն գերի էր ընկել. մեր մեծ Զաքարեա պարոնտէր առել են ժամանակին, որ շահ Սափին բազում զօրօք Էրեվանա բերդին կո (վ)ում էր հետ աւսմանվին, բարի շատ քրիստոնեայք կորեցան թվին ՌՉ (1631)»³⁶:

Ծար գավառի վանքերում ու մենաստաններում աշխուժություն էր տիրում նաև 17-րդ դարի երկրորդ կեսին՝ Սիրգախան բեկի մելիքության և Պետրոս Խանձքեցու Աղվանից կաթողիկոսության տարիներին: Այնտեղ շարունակում էին արտագրվել ձեռագրեր, որոնց մի մասը պահպանվել են տարբեր հավաքածուների մեջ: Այսպես, մեզ հասած ավետարաններից մեկը ունի հետևյալ հիշատակարանը. «Ի թվին ՌՃԲ (1653) ստացաւ զսուրբ անետարանս հեզհոգի Թադևոս Էրեցն ի հալալ ընչից իւրոց, բարի յիշատակ հոգւոյ իրոյ և ծնողացն, որ էր նա բնական ի յերիէն Մաղաւալ, ի գեղջէն Բախիշոյ, որ և ազգմամբ չարին փախստեա եղեալ, բնակեցաւ ի յերկիրս Ծարայ(յ), ի գեղն Մոս: Եւ առաջնորդութեան ի յայսմ նահանկի զտէր Ստեփաննոս արհիեպիսկոպոսն և ժրածան

հովիւն: Եւ էր սպասատւոր ի սբ. Դ-աղի վանիցն և Մարդադոնեաց ս. Նշանին: Եւ զի էր երաշխատւոր և հոգացող ի տէր Թադէոսին՝ հոգւոր, այլ մարմնաւոր: Աստուած զինքն անփորձ և անսասան կենօք պահեսցէ ի յաթոռի իւրում մինչև ի խորին ծերութիւնն»³⁷:

Վերոհիշյալ Ստեփաննոսի առաջնորդութեան տարիներին (1647թ.) Դ-աղի վանքում ոմն Մովսէս երեց վերանորոգել է 1490թ. մի Ավետարան և թողել չափածո հիշատակարանը.

«ի թուականիս հայկականի
Նրեք քառեակըն հարիւրին,
Տասն տասնեակըն պակասի,
Եւ ի չորիցն ստորադասի (1647)
Ի ժամանակըս պարսկի,
Ի Փոքր Ապազ շահ թագաւորին,
Ի հայրապետըն Աղվանի,
Տէր Պետրոսի արհիի հսկօղին:
Ի սրբազան հանճարեղի,
Եւ նորընծայ կաթողիկոսին,
Եւ առաջնորդն Ըստղաթէի,
Ստեփաննոսի արհիեպիսկոպոսին,
Եւ սպասատւոր ըզՍ. Խաչի,
Մարդն աղաւնեաց Ս. Նշանի:
Նորոգեցաւ յայսմ տառի,...
Չեռամբ փծում մեղսամածի,
Եւ ի չնչին քարտօղարի,
Եւ լոկ անուամբըն յիրիցուի,
Մովսէս տրուպ զանարժանի,
Որ եմ բնական ի յերկրի,
Չաւգածորոյն ի Գորիսի,
Եւ եմ բնակեալ յօտար երկրի
Եւ ի յերկիրըն Ճարայի:
Մայրաքաղաքըն Սոթէի,
Չի եմ ծառայ սբ. Մաշտոցի,...
Ի խընդրելոյ սրբբամբուի,
Անուամբ կոչեալն Երեմիայի,
Հեզահոգի և բարելի,
Աստուածահաճոյ միայնակեցի»³⁸:

Այլ ձեռագրով շարունակված է Ավետարանի հիշատակարանը և նշված, թե՝ «Եւ արդ հիշեցէք զսրբամիտ Եղկարան, որ էր նա յերկրէս Ծարայ, ի գեղջէն Հոսաբակայ և ջերմնեանդ սիրով ետ գրել զՅայսմատւորքն... Եւ թողեալ գտուն իւր և զամենայն ինչ և ելեալ գնաց յանապատ: Եւ յետ տարոյ միոյ և երկու եկեալ ի մայրաքաղաքս Սոթ, վասն նորոգելոյ զԱւետարանս և ետ նորոգել յոյժ փափագանօք...»³⁹:

Վերոհիշյալ Ավետարանի նորոգող Մովսեսը 1652 թ. արտագրել, ծաղկել ու կազմել է մի Ծարակնոց, որի հիշատակարանում գրի է առել Ծարում իր հայտնվելու հանգամանքները: Պարզվում է, որ Ծարը կրկին ապաստան է ծառայել թշնամական հաշվերաշղարից խուսափել փորձող հայ բնակչության համար: «Եւ ի յաիւ նոցին փախըստեա եղեալ գնացաք յայլ յերկիր. և զյետաննացսն զեղին զոմն ի գեղոն թալանեցին և զոմն ի ճանապարհին: Եւ ես թաքօրս ի բարեաց գործոց եկեալ հասա ի յերկիրն Ծարայ, ի գեղոն որ կոչի Ապահեն: Եւ էր ի ժամանակս Պարսից նորընծա Փոքր շահ Ապասին, և ի հայրապետութեանն Էջմիածնայ հեզահոգի տէր Փիլիպպոսի բազմահանճար և սրբազան կաթողիկոսի, և ի յԱղվանից հայրապետութիւն Գրիգորի քաջ և արի կաթողիկոսի, և յաջորդութեանն ի յայսմ ուխտի ի տէր Ստեփաննոս արհիեպիսկոպոսի, որ է սպասատր և ժրաջան հովիւ ի սուրբ Դաղի վանիցն և մարդադաւնեաց Ս. Նշանին. աստուած իւրեանն արքայութիւն տացէ և ընդ սուրբ հայրապետացն դասեսցէ, որ սա ձեռնադրեաց /անա/րժանս... ի թուականութեանս հայոց ՌՃԱ /1652/ գրեցաւ, ծաղկեցաւ և կազմեցաւ եղանակաւոր տառս ձեռամբ.../շարունակությունը ընկած է/»⁴⁰:

Ծար գավառի Ապահեն գյուղից Հովհաննես երեցը 1659 թ. գնացել է Գանձասար և հիշատակագրել. «սուղ ինչ քերականութեան արհեստս ծրագրեցի թեկամբ իմով»: Ուշագրաւ է, որ սխալների համար թողութիւն խնդրելով, նա դրանք բացատրում է «տիւնա յոյժ վարանեալ և տաբակուսեալ կայ ի մտոքս վասն զբաղմանաց աշխարհիս»⁴¹: Եթե վերոհիշյալ Մովսեսը Ծար էր եկել Գորիսից, ապա նույն թվականներին Ծարից Էջմիածին էր գնացել Մատթեոս Ծարեցին և դարձել Փիլիպպոս կաթողիկոսի քարտուղարը՝ «նօտար և սպասատր»: Իր ծաղկած Ավետարանի հիշատակարանում /1655 թ./ նա գրում է. «Արդ, ես՝ Մաթեոս դպիրս որ եմ յերկրէն Ծարայ, ի գեղջէն Չափարու, նօտար էի տեառն Փի-

լիպպոս կաթողիկոսի, եւեալ գնացաք ի սուրբ Երուսաղէմ, և յանտէն դարձաք ի Ստամպօլ. և անդ ուսայ ի Մարկոս վարդապետէն զպատկերն: Աղաչեմ յիշել զՄաթոսս և զՄարկոս վարդապետըն»⁴²:

1670 թվականից հետո է գրվել Միւնեաց Ծար զավառի Յրագետ անապատում Սարգիս Շնորհալու «Մեկնութիւն կաթողիկեայց» երկը, որի գրիչն էր Յովասափ Ըղուներծացին⁴³:

1673թ. Ծար զավառի Դաշտակ գյուղում Եսայի Երեցի կողմից ընդօրինակվել է «Մաշտոց», որի ստացողն էր Տէր Բարսեղը⁴⁴:

1684թ. Կուսանաց վանքի միանձնուհի Վարվառե կույսի կողմից արտագրված Գրիգոր Տաթևացու Քարոզգրքի (ստացող՝ Պետրոս վարդապետ) հիշատակարանում արժեքավոր վկայություններ կան երկրամասի քաղաքական պատմության վերաբերյալ: Չեռագրի պատվիրատու տեր Պետրոս վարդապետը զավակն էր պարոն Մելիքալեկի և հարազատ եղբայրը՝ Մելիք Միրզախանի: Պարոն Մելիքալեկը որդին էր Մելիք Պալասանի, իսկ վերջինիս եղբայրն էր Ստեփաննոս արհիեպիսկոպոսը: Մելիք Միրզախանի մյուս եղբայրները, կրում էին բեկի տիտղոսներ՝ Մանուչար բեկ, Աթաբեկ, Դարաբեկ և Հասան բեկ: Մելիք Միրզախանի ավագ եղբայր Աղաբեկը ձեռագրի գրության ժամանակ արդեն հանգուցյալ էր, իսկ ձեռագիրը գրվել է «ի երկիրս Ծար Փոքր Սխնիս կոչեցելոյ, ի սուրբ վանս Կուսանաց, ընդ հովանեաւ Դադէի սուրբ Նաբէոյն և սուրբ Կաթողիկէին և սուրբ Աստուածածնին և զամենագոր սուրբ Նշանին Մարդադանեաց...»⁴⁵:

1694թ. գրված հիշատակարանում, որ պահպնվել է Ավետարանի վերջում, ուշագրավ վկայություններ են արձանագրվել երկրամասի պատմության համար. «... Արդ, ի ժամանակի, յորում գնեցաք զկենսուրախ սուրբ աւետարանս, էին կաթողիկոսք ի տանս Աղուանից՝ երջանկափառ հայրապետքն՝ զտէր Երեմիայն և զտէր Միմեօնն. զսուրբ Աթոռոյն Գանձասարայ և զմերումս նահանգի առաջնորդութեան գԴադի վանից և զԽատի վանից՝ արհի և պանծալի ըաբունապետքն՝ զտէր Պետրոսն և զտէր Յովհաննէս, զտէր Բարսեղն և զտէր Գրիգորն և զտէր Աթանեսն և զտէր Դազարն և զտէր Ստեփաննոսն, և իշխանն մեր՝ մեծափառ, աղօթասէր մէլիք Միրզախան: Աստուած զինքն հաստատուն պահեսցէ հանդերձ թագատրութեամբն և պարոն յորդեկօքն, ամէն: Գրեցաւ ՌԴԽԳ (1694) թուին, յունիսին ԺԹ (19) յամսեն, ի ժամանակի, յո-

րում նորոգէսք զսուրբ Աթոռս Խատելի աստուածափառ սուրբ ուխտս. ի դառն ամանակի, յորում նեղիմք ի բռնաւորաց վասն մեղաց մերոց, յիշել աղաչեմք ի բարեսիրացդ. բաւ է»⁴⁶:

1696 թվականին գրված մի ինքնագիր հիշատակարանից պարզվում է, որ Աթանաս Ծայրեցին իր եղբոր՝ Բարսեղի, հետ ուխտավորությամբ այցելել է Երուսաղեմ. «ի թուահաշուոց հայկականի հազարերերդ հարիւրեակի քառ տասն և թե հնգեակէ աւելի (1696) գոր Աթանաս իմ Ծայրեցի հանդերձ եղբորն իմ Բասիլի եկաք ի քաղաքս Կոստանդնի, որ է սայրեաց մայր քաղաքի, նախ և յառաջ է Բիւզանդի, կայսերական նախագահի:...Հոկտեմբերի մուտն ծիր, ի դրան տիրամօր Սուրբ Աստուածածնի՝ ի սուրբ Երուսաղեմայ ճանապարհի, որ և զաղօթս յիշողաց մեզ պաշար լիցի երկնածիզ ոռհի ամեն» Երուսաղեմում պահվող թիւ 390 ձեռագրում թողած հիշատակարանում նույն Աթանաս Ծայրեցին նշում է. «նուաստ պարտաւոր բանասիրի Աթանասի Ծայրեցւոյ սկսեալ մատենիս Սրբոյ Գրիգոր Նիսացւոյ ընթերցեալ յանկ ածի Ռ-ճԽԶ(1697) ի թուին, յորժամ ես և իմ եղբայր Բարսեղ վարդապետ Ս. Երուսաղեմ եկաք»⁴⁷:

Մողջ անվանում Ստեփաննոս արհիեպիսկոպոսի հիշատակին կանգնեցվել է մի խաչքար, որի վրա եղած արձանագրությունից պարզվում է, որ դեռևս 1701թ. Մելիք Միրզախանը կենդանի էր և շարունակում էր իշխել Ծարում և Մողբում. «Շնորհօքն աստուծոյ ես Պետրոս վարդապետ, Գրիգոր եպիսկոպոս, Մելիք Միրզախանս, որդիք պարոն Մելիքբեկին, թոռն Մելիք Պալասանին, կանգնեցաք սուրբ խաչս վրկութեան հոգւոյ Ստեփաննոս ահեպիսկոպոսին՝ հօր եղբօր հատուն մերոյ, ով ընթեռնոյք, աղաթս յիշեցէք, թվ. Ռ-ՃԾ(1701)»⁴⁸:

18-րդ դարի առաջին քառորդին Ծարի ներկայացուցիչներին ևս ընդգրկված ենք տեսնում Արցախի ազատագրական շարժման նախաձեռնողների կազմի մեջ: 1721թ. ապրիլի 1-ին Խօթավանից առաջնորդ Պետրոս վարդապետը ևս ստորագրել էր Գանձասարի կաթողիկոս Եսայի Հասան-Ջալալյանի և այլոց ստորագրությամբ ու կնիքներով Պետրոս Առաջինին ուղարկած նամակը⁴⁹:

1728/1729թթ. է թվագրված թուրքական Սարու Մուստաֆա վաշայի հրովարտակը, որով Ծարի և Մաղավուզի հայոց գյուղերի բնակիչներին, գործակալներին, մելիքներին և գեղջավազներին

ծանուցված էր Եսայի Հասան–Ջալալյան կաթողիկոսի մահը և նրա փոխարեն Գրիգոր վարդապետի կաթողիկոսանալը: Այդ հրովարտակի մեջ Ծարի բնակիչներին դիմելու փաստը ինքնին վկայում է, որ այնտեղ դեռևս պահպանվում էին հայկական գյուղերը և այդ գյուղերը մտնում էին Գանձասարի թեմի մեջ:

Մաղավոգում պահվող մի ձեռագիր մաշտոց է նկարագրել Մակար եպս. Բարխուտարյանը, որն ունեցել է 1729 թվականի հետևյալ հիշատակությունները. «Յիշատակ է բարեմիտ Յուրին, որ կոդակից էի Ավագակին ի երկրեն Ծարայ, ի գեղջեն Եանշաղեն...», «Ես Մըրջմանցի տեր Մելիքսեթի որդի Մարկոսըս... թիվն Ռ-ՃՀԸ (1729) էր»⁵⁰:

18–րդ դարի առաջին քառորդի իրավիճակը ներկայացնող Իսքանդար Մունշիի «Թագքիրաթ–ալ–Մուլյուք» երկում Չուխուր–Սաադի /իմա՝ Երևանի խանություն/ թվարկված են Նախիջևան, Մակու, Չարուզբիլ (Ծար), Սադարակ, Մաղասբերդ, Բայազետ և քրդական Շադիլու և Դումբուլի ցեղախմբերի երկու համայնքները (օլթաները)⁵¹: Նույն 18–րդ դարի երկրորդ կեսին, ինչպես ողջ Ծար գավառը, որ ենթարկվում էր Երևանի խանին, այնպես էլ Խուրավանքը (Դադի վանք) մտնում էին Էջմիածնի տիրույթների մեջ: Սիմեոն Երևանցի կաթողիկոսը իր «Ջամբո» աշխատության մեջ, որտեղ թվարկված են Էջմիածնի վանքի տիրույթները, հատուկ թվարկում է այն բոլոր գյուղերն ու կավվածները, որոնք գտնվում էին Ծարում ու Սողբում՝ Արեգունիի հարևանությամբ և որպես Խուրավանքի կավվածներ, պատկանում էին Էջմիածնին (ընդհուպ մինչև Չափար գյուղն ու Խնթրավանքը): Սիմեոն Երևանցու հաղորդումը, որ վերնագրված է «Խուրավանից որպիսութիւնքն», որպես առավել իրագել ու հավաստի սկզբնաղբյուրի և բերում ենք ամբողջությամբ.

«Վանքս այս...նախապէս հիմնավորեցաւ ի թոռջ... Ունի վիճակս զբոլոր երկիրն Զեօլանու, որոյ հայերէն անունն Ծարայ երկիր կոչի, որ է սահմանակից Խամսայու, բայց Էջմիածնի է վիճակեալ, և ընդ ձեռամբ Երևանու իշխողին: Որոյ գեօօրայքն են այսոքիկ. Էրք, Ծնիվանց, Կարմիրշէն, Սալամալիք, Քաւթառանց, Ուռուցփոր, Ատարէնիս, Ծուրրուղաշէն, Հոսաբակ, Կաւալու, տքա յայսկոյս լերինն են, կից Արեգունոյն Գեղամայն: Իսկ յայնկոյս լերինն, Մեծ Ծար, Կաժ, Անուխս, Խօլօզանց, Դաշտակ, Հաճար, Ապահէն, Ճումէն, Քարատակ, Չուար, Մոս, Աւաջուր, Ծովատեղ,

Խրանց, Հալուն, Մութանց, երկու Դաւախտուր, Մեծ և Փոքր Լև, Եանշաղ, Բարսեղի շէն, Մէյտսանն, Երիցիշէն, Խաթաւանք, Զափար, Կեարաք, Նորշէն, Խնթրաւանք: Ունի և զանապատս ընդ ձեռամբ իւրով զԽնդրաւանից անապատն և զԾարայ անապատն»⁵²:

1805թ. ռուսական զորքերի Շուշի մտնելուց հետո սկսվում են հաճախանալ քրդական և մահմեդական այլևայլ ցեղերի ներթափանցումները Արցախ և, մասնավորապես, Ծար: Այսպես, 1807թ. նոյեմբերին մինչև 600 քրդեր դիմում են ռուսական իշխանություններին Արցախ (Ղարաբաղ) տեղափոխվելու խնդրանքով⁵³: 1816թ. նոյեմբերին քրդական 1000 ընտանիք ևս դիմում են ռուսական զինվորական իշխանություններին կրկին Արցախում բնակություն հաստատելու խնդրանքով⁵⁴:

1813թ. Գյուլիստանի հաշտության պայմանագրի կնքումից հետո ռուսական իշխանությունների կողմից հովանավորություն վայելող Մեհտի Կուլի խանը սկսեց եռանդուն ջանքեր գործադրել ամայացած հայկական գյուղերի ու վանքերի կալվածների ու հողատարածքների յուրացման ուղղությամբ: Խանը և նրա ընտանիքի անդամները, օգտվելով ռուսական պաշտոնյաների կողմից տեղական իրադրության անիրազեկությունից, տարբեր պատրվակներով ու փաստարկումներով սեփականեցրին նաև այդ ժամանակ արդեն Քարվաճառ (Քելբաջար) կոչվող գավառի հողատարածքները, այդ թվում նաև Դադի վանքի ու մյուս հայկական հինավուրց վանքերի կալվածքները:

1817 թվականին է վերաբերում Քեօլանի քրդերի և Գանձասարի վանքի միջև կնքված պայմանագիրը, որի հայերեն իսկագիրը (բնագիրը) պահպանվել է և բերվում է ստորև.

«Որովհետև Մադախիսու բոլոր մուքն ջաղացատեղը և Եզնանիստը բնականաբար Գանձասարու սրբոյ Աթոռոյն վախմ են մատուցեալ ի ՈԼ /1817/ թուականին հայոց, և այն ժամանակ մինչև ցարդ վանքի ձեռացն է եղեալ, բայց ոմանք վարնորոք եկեալ են տարեալ վանքի նստօղ մեծավորէն և նոքա տուեալ են այն վարնորդացն և վանքի բաժինն ևս տուեալ են վանքին այսինքն՝ բահրան:

Ահա այժմ ՌՄԿԶ /1817/ թուին հայոց և մայիսի ԺԱ-ին եկան ԲՌՆԼ (2530) քեօլանի տաճիկք, որք են քեանդիսուտայք ի ներքոյ գրեալքս, այսինքն՝ քեանդիսուտա Հասանի որդի Հուսէյ Ա-

լին, քեանդխտտայ Ալահվերդի որդի Հախվերդին, քեանդխտտայ Ղադիմի որդի Ղասումն, քեանդխտտայ Ալիֆին որդի Մամադն, քեանդխտտայ Թանկլիվերդի որդի Նադին: Խնդրեցին ի մենք, այսինքն՝ Սարգիս արքեպիսկոպոսես Ջալալեցի, և մեք ըստ խնդրոյ վերոյ քեանդխտտայոցն տուաք Մատաղխտ տափն, որ է Մատաղիս, որ վարեն ե վանքի բաժինն, այսինքն՝ բահրէն տան և որժամ հողը կամենամք այլ վարողաց տամք և ոչ վերոյ գրելոց: Որովհետեւ նոքա այ(ս)տեղացի չեն և ոչ թէ վարմորդ: Այսպես եղև մեր վճիռն (հինգ ստորագրություններ պարսկատառ և մատնահետքերով կնիքներ)»⁵⁵:

1828թ. Երևանի ու Նախիջևանի Ռուսաստանին միացումից և 1830–1840–ական բվականներին Այսրկովկասում ռուսական իշխանության ամրապնդումից հետո, Արցախի հոգևոր առաջնորդ Բաղդասար միտրոպոլիտ Հասան–Ջալալյանը ձեռնամուխ եղավ հայկական վանքերի, և մասնավորապես նաև Խոթաբվանքի, կալվածատիրական խախտված իրավունքների վերականգնման դժվարին գործին՝ տարբեր վավերագրերով դատարանի միջոցով ապացուցելով վանքերի կալվածատիրական իրավասությունները: Այդ ուղղությամբ կատարած աշխատանքների մասին գրել է իր իսկ կտակի մեջ (10–րդ կետ). «Ձանազան աշխատակրթեամբ և տառապանք հանելով ի ձեռաց ժառանգաց Ախմետ խանին և Սեհտի — Ղուլի խանին և զանազան մասնաւոր անձանց յանուն Խոթայ վանից, այնինքն է վանքն Դաթէի զգաւառական Դաթխո, Զարվաճառ, Ծար, Լևայ–ձոր, որ և Թարթարի ձոր, ուրանոր են այժմ աւելի քան քառասուն և երկու շէն և ամայի գիւղօրայք և գիւղատեղիք և ամարանոցք վրանաբնակ թուրք ժողովրդեան, թողեալ եմ յաւիտեանական յիշատակ հոգւոյն իմոյ և նախնեացս յօգուտ եկեղեցական իշխանութեան հանդերձ ամենայն վարելահողովքն և անտառօք: Թիւ հաստատուն բնակչաց տեղեացն այնոցիկ առ այժմ հասանէ ցերեք հարիւր գերդաստան: Ի միասին այնոցիկ կալուածոց զոն ի դիվանատան իմում և ի վիճակային կանսիստորիին Ղարաբաղու և յայլ տեղիս գործք և գրագրութիւնք և ցուցակք: Եթէ կամօքն աստուծոյ ապատ լիցին տեղիքն այնոքիկ ժամանակաւ, այնոքիկ կալուածք Խօթայ վանից կարեն բաւականաւ աւելի քան երկու հազար տուն բնակչաց»⁵⁶: Բաղդասար միտրոպոլիտի կատարած աշխատանքի մասին ավելի լիակատար տեղեկություններ է հաղորդում նրա կրտսեր ժամանակակից

Գրիգոր Տեր—Հովհաննիսյանը (Մուրացան) Բաղդասար միտրոպոլիտի կենսագրությանն նվիրված իր հոդվածում. «Նախ և առաջ ի գործ դրաւ նա իւր ջանքերը Խօթականքի մեծամեծ և ընդարձակ կալվածներն ու հափշտակուած սեփականութիւնները ազատելու Մեհտի Գուլի խանի դստեր և ուրիշ պարսիկ բեգերի ձեռքից: ...Այս կալուածները ընդհանուր անուամբ բոլորը միասին կոչվում են Դուրխու—Զեալբաջար և տարածվում են մինչև 140 000 դեսետաիւնի չափ, ձգուած Թաոթառ գետի հիւսիսային և հարաւային ափերի երկարութեամբ: Բացի բազմաթիւ ընդարձակ վարելահողերն, մեծամեծ անտառներն և մանր ու աննշան բնակութիւններն, Դուրխու—Զեալբաջառի մէջ գտնվում են հետեւեալ գիւղերը. Ծար, որ էր նախնի հայ իշխանաց բնակարանը, Չախմախ, Զագլիկ, Ղարախաչ, Գեեալիւնուչան, Գիւղաշ, Մարալուչան, Բաղրբէյ, Ղլըշլու—Փարախկանլու, Հասանալլու, Ալխասլու, Լև (որ է ընդարձակ տարածութիւն մեծամեծ երկիրների, որոց մէջ գտնվում են թուով 12 գիւղեր), Բաղլուսիաեայ, Չարաքդար, Զեշիշքէնդ, Զիլխատերի (որ է ամառանոց թափառականաց), Բալլուրբէլ, Մէյիտտար, Երկրորդ Ղլըշլու, Ղօթուռու, Ղօշունալիլար, Ղօշտաջ, Աիաթաղ, Վարդանագոմբ, Զիւպբուլնդ, Սուդայեան, Ղամիշլու, Այրում, Զիլֆիղարլու, Խանանլու, Ղարաջանլու, Բագիրգեանբուլաղ և այլն:

Դուրխու—Զեալբաջարի և նրա սահմանակից զանազան լեռների վերայ և հովիտների մէջ գտնվում են նոյնպէս շատ վրանաբնակ թափառական ցեղեր, որոնք դարձեալ Խութայ վանքի հպատակ են համարվում, որպիսիք են քեանգեառլուեցիք, վաղահասցիք, Ղինլուներ, Ղարադաղլուներ, Ամիրալիլար, Ղարադօյինլար, Գիլկեազլու, Սիաթլու, Ղարվանդ, Շխավանդ, Սըրխ—ավանդ, և Բաֆրավանդ քեօիլանիք, Աթնազլու, Ֆիրհասանլու և ուրիշ շատ պարսիկ ազգաբնակութիւններ»⁵⁷:

Այդուհանդերձ, 19-րդ դարի երկրորդ կեսին, սակայն, Բաղդասար միտրոպոլիտի մահից հետո «վիճակային առաջնորդների անհոգութիւնից և տեղական հոգևոր կառավարութեան թուլութիւնից այդ կալուածներից շատերը հետզհետէ անցան և անցնում են Մեհտի—Ղուլի խանի Խուրշիդ դստեր, Դաւութ—աղա Աղալարովի և ուրիշ բեգերի ձեռք: 1851 թվականից սկսած մինչև 1873թ. վանքը այս կալուածներից ստացել է տարեկան արեւի քան 1500 ռուբլի արդիւնք..., իսկ 1874 թուից սկսած մինչև այժմ (իմա՝ 1880թ. — Պ.

Զ.) ստանում է 600 ռուբլի միայն, որովհետև կալուածների մեծ մասը այժմ վեճի մեջ է և արդիւնքը ստանում են ուրիշները: Եթէ այդ կալուածական վեճերը, որոնք դեռևս շարունակվում են Գանձակի մահանգական դատարանում կամ Տփլիսի դատաստանական պալատում, յօգուտ վանքին վախճան ստանան և կալուածները արժանապէս հոգացուին, այնուհետև Խութայ վանքի այդ սեպհականութիւնից հաշուով տարեկան կը ստացուի աւելի քան 10 000 ռուբլի, մի գումար, որ Շուշտյ հոգևոր դպրոցի վիճակը ընդ միշտ կապահովացնէ»⁵⁸:

1890-ական թթ. սկզբին խոսելով Ծար գավառի բնակչության մասին, Մակար Բարխուտարյանը արձանագրում է, «Գաւառումս այժմ մնացած են միայն երկու հայաբնակ գիւղ, երեսուն գիւղից աւելի մնացեալ հայ գիւղերի աւերակներն, որոց շատերին մեջ այժմ տեղակալած են աւազակաբարոյ Քեօլանի անուն մահմետականներ»⁵⁹:

Քարվաճառի տարածքը (համաձայն սկզբնաղբյուրների), վաղագոյն ժամանակներից բնակեցված է եղել միայն հայ բնակչությամբ: Չնայած Հայաստանում պարսկա-արաբական, սելջուկյան, իսկ ապա և մոնղոլական ու պարսկա-թուրքական երկարատև գերիշխանություններին, Ծարի տարածքում հայտնաբերված մինչ 20-րդ դարն ընկած ժամանակաշրջանին պատկանող մշակութային հուշարձանները միայն հայկական են: Առաջին հեղինակը, որ արձանագրում է քրդերի զանգվածային ներթափանցման փորձի մասին, Չաքարիս Քանաքեռցին է, և այն էլ ոչ թե անմիջապէս Ծար, այլ նրան հարակից Քաշաթաղ (Լաչին): Ըստ Չաքարիս Քանաքեռցու, ներգաղթած քրդական այդ ցեղը կամ տոհմը, դեռևս չէր հիմնավորվել որևէ գյուղում, այլ ապրում էր քոչվորական կենցաղով: Հայ բնակչության հետ ունեցած նրանց ընդհարումները հայերի կողմից հաջողվում է լուծել պարսից իշխանությունների միջնորդությամբ և վրեժխնդիր լինել նրանցից: Չաքարիս Քանաքեռցու հաղորդումը ուշագրավ է մի շարք առումներով, ըստ այդմ այն բերում ենք ամբողջությամբ.

«Իբրև լուսւ խանն Թահմազ-ղուլի, թէ՛ մօտեալ է Օսմանցին գալ յերկիրս Արարատեան, հրաման եհան ամենայն աշխարհին Երևանայ՝ ցրուել և գնալ, ուր և կամիցին՝ փախիցեն, զի Օսմանցին եկեալ աւեր տեսցէ և ոչ կարգեաց նոցա վարիչս և ասէ, ամենեքեանքն իւրեանց կամօքն զմասցեն ուր և կամին: Եւ ելին ի

բնակութենէ իւրեանց և ցրուեցան, ոմանք յաշխարհն Վրաց, ոմանք՝ յԱղուանս, ի Զակամ, ի Գեանճայ, ի Խաչէն, ի Վարանդ, և այլ ուր և կարացին: Իսկ կարբեցիքն ելին միահաղոյն ի վարդավառի բարեկենդանի շաբաթի օրն և դիմեցին դէպ յերկիրն Քաշթաղու և հասին մինչ ի գիւղն Հօչէս: Եւ անդ բնակեալ էին սեաւ վրանօք բազում տունք քրտաց, իբրև տեսին զնոսա և ասացին, տքա փախստականք են, եկայք կոտորեսցուք զնոսա և կողոպտեսցուք զինչսն: Իսկ կարբեցիքն իմացան զխորհուրդս քրտացն, զինեցին նոքա ընդդէմ նոցա ի պատերազմ և անկան քուրտքն ի վերայ կարբեցուցն սաստիկ բախմամբ և սպանին Ե (5) այր... Չի թելէտ և կարբեցիք ևս սպանին ի նոցանէ, սակայն յաղթեցան, քանզի նոքա հանգիստ էին և անաշխատ, և տքա՝ վաստակեալք և անպատրաստ, և կողոպտեցին զնոսա... Եւ քուրտքն այնոքիկ էին *դաւանութեամբ* Օսմանցոց, վասն այն այսպէս պնդութեամբ պատուէր ետ շահն ի նախատինս ազգին: Եւ ընկալել զպատուէրս զայս զօրականացն, զնացին նախ առ կարբեցիսն, և նոքա եկեալ և անկան յոտս զօրականացն, լացին գոռալով և աղաղակէին և ցուցանէին զմերկութիւնս իւրեանց: Իսկ զօրականքն գրեցին զամենայն, զոր ինչ վնասեալ էին առ քրիստոնեայսն... և ապա ելեալ զնացին առ քուրտսն... և ոչ մնաց փոխալեմն, զոր ոչ ընկալան ի զօրականացն բազմապատիկն: Քանզի կալան զարսն քրտացն ամենայն և կապեցին զձեռս յետս ամենեցուն և ձաղէին անողորմ և զկանայս նոցա ապականեցին խայտառականօք, յավշտակեցին և կողոպտեցին զինչսն և զստացուածսն և թափուր արարին յամենայնէ: Եւ ապա կոչեցին զկարբեցիսն և բաժանեցին առ նոսա զինչս քրտացն և զգերեալ մանկունս յետս դարձուցին և զարեան զինսն սպանելոց առին ինքեանք... Եւ այսպէս եղաւ զրաւ գործոյն և մնացին անդէն կարբեցիք մինչև ետա շահն զԵրևան և ապա դարձան և եկին և բնակեցան ի գիւղն իւրեանց Կարբի»⁶⁰: Այս վկայությամբ հաստատվում է, որ Քաշաթաղ մուտք գործած քրդերը ապրում էին վրաններում, չէին վայելում պարսից իշխանությունների հովանավորությունը և մուտք չէին գործել Ծար: Չաքարիա Քանաքեռցու Պատմության մեջ պահպանվել է ևս մի կարևոր վկայություն, որը կարող է նպաստել Ծարի իշխանության հետագա ճակատագրի բացահայտմանը: 1679թ. հունիսի 4-ին Արարատյան երկրում տեղի ունեցած երկրաշարժից հետո, Երևանի խանը սուրհանդակի միջոցով անմիջապես տեղեկացնում է շահին

այդ մասին և, ինչպես գրում է Ջաքարիան, «յետ ԵԺան (15) ատուր եկն փութագնացն և հրաման՝ շինելոյ բերդին և եկեղեցեացն, և մունետիկն գոչեր, թէ հրաման է շահին, զի քրիստոնեայք շինեցեն զեկեղեցիսն՝ զոր քակեալ է, և յայսմ պատճառէ շինեցաւ ի քազում տեղիս եկեղեցիք, թէ ի նորա ժամանակին և թէ յետ նորա... Եւ ապա եկն մեծ իշխան Սիրգայ Իպրահիմն, զոր ասէին Հատրբեճան-վազրի, նստաւ յԵրեան, և կոչեաց զմերձակայ դանորայս. զՆախչումանայ, զՊար(տ)աւայ, զՋակամայ, զԼոռոյ և զսութանսն զՍակուայ, զԱկուտոյ, զՍատարակայ, զԾարայ: Եւ եկին սոքա և շինեցին զբերդն երեքորմեայ ամրագոյն քան զառաջինն: Եւ զկամուրճն՝ որ ի ներքոյ բերդին էր ի վերայ Հուրաստան գետոյ, որ ասի Ջանկի, զնա ևս շինեցին ամրագոյն»⁶¹:

Այս վկայության հիման վրա ևս կարելի է թերևս պնդել, թե Ծարում և Սողքում իշխող մելիք Սիրգախանը պարսից արքունիքում դիտվում էր որպես սուլթան: 18-րդ դարի սկզբում արդեն նկատելի է նման տոհմերի կամ ցեղերի քանակային աճ, որոնք տարածաշրջանում վերածվում են պարսկա-թուրքական տիրապետության համար էթնիկ և սոցիալական հենարանի: Հատկապես այդ հենարանի թուլացմանն էր ուղղված այն պայքարը, որը սկսեց Դավիթ բեկը՝ Միսիան ժամանելուց անմիջապես հետո: 1725թ. գրված նամակում արդեն Հայաստանի հյուսիս-արևելյան գավառների թվարկման ժամանակ սկսվում է կիրառվել Քօլանի անվանումը, որը մեր կարծիքով օգտագործվում է Ծար-Քարվաճառի նշանակման համար: Եկատերինա Առաջինին ուղղված նամակում Արցախի կաթողիկոսներն ու մելիքները գրում են. «այս երկրներս, որ ծառայքս քո բնակեալ ենք, որ են Գանջայ, Ղարապաղն, Չ մհալ, այլև Գեղարքունի, Քօլանի, Ղափան, Միսիան և այլ երկրներ, այս ամեն մհալ Լ(30), Խ(40), Ծ(50) փարա գեղ է, և ամեն գեղ Զճ (600) տուն, Եճ (500), Դճ(400), Բճ(200), մեկ ճ(100) տուն, Ծ(50) տուն, փոքր Լ(30), Խ(40) տուն են, և այս երկրներս սարով և տեղով շատ ամուր են, և մենք այս խալդս ամէքն իւր երկրումն սղոնաղ ենք արել ամուր տեղերն և ամէքս մէկ սղոնաղին վերա նստած պահում ենք: Եւ մեր Դ(4) կողմի երկրներ օսմանցիք առել են, որ մեզ թշնամիք են, այլ և մեր մէկ կողմն էլ դալպաշ են, որ թշնամիք են...»⁶²:

Նաղիր շահի թագադրման արարողություններին մասնակցելուց հետո, իր Աթոռը վերադարձող Աբրահամ Կրետացի կաթո-

դիկոսը այցելում է «Խնձորեկ, որ է ի մէջ քարածեռ լեռանց մեծամեծաց, և ունի անբաւ բարձրութիւն: Եւ նեղանցուկ ճանապարհաւ իջանք ի մէջ ձորոյն և տեսանք հիանալի բան՝ և զգեղն. թողեալ էին, որ էր ի մէջ ձորոյն, վասն ահի օսմանցոց և դարայօտլուոց քրթերոյն և ի բարձրքերձ տեղիս այս կողմն և այն կողմն ձորոյն դէմ յանդիման միմեանց փորեալ յապառաժ վէմս քարայր. որք են մաղարայք, իւրաքանչիւր ոք վասն իւր տան բնականութեան շինեալ բնակէին»⁶³: Աբրահամ Կրետացու այս վկայությունը ևս - հաստատում է այն իրողությունը, որ 1730-1734թթ. թուրքական ռազմականման ժամանակ որոշ քանակով օսմանցիներ ու քրդեր են տեղափոխվել Հայոց հիշյալ գավառներ և հետգիետե ներքափանցել նաև լեռնային բարձրավանդակները: Եթե 17-րդ դարի առաջին կեսին Երևանի Ամիրգումա խանի կառավարման շրջանում խստորեն փորձում էին կասեցնել քրդերի արշավանքները Երևանի խանության տարածք, ապա հետագայում այդ ներխուժումները դարձան ավելի հաճախակի, որին նպաստեց նաև իշխանությունների թողովությունը: Չաքարիա Քանաքեռցու վկայությամբ, Մասիսից հարավ գտնվող քրդերը լսելով Ամիրգումա խանի հիվանդության մասին, միավորվեցին և որոշեցին կողոպտելու համար արշավել Շարուրի դաշտ: Ամիրգումա խանը, տեղեկանալով այդ մասին, սուրհանդակով պատվիրում է իր որդուն՝ Թահմասսա բեկին, դիմագրավելու նրանց: Թահմասսա բեկը շուտավտյոթ, իր հեծյալներին նույն օրն իսկ նախ դիմում է դեպի Գեղամա երկիր, հաջորդ օրը՝ Վայոց ձոր, և այդտեղ ևս չհանդիպելով քրդերի, անցնում է Վեդի կոչված դաշտը: Տեսնելով, որ մարերի բազմությունը ծածկել է ողջ հարթավայրը, նա անվախ մարտի է կոչում իր հեծյալներին, սակայն նրա զորքը դժգոհ լինելով ստացած սննդամթերքից կամ վարձատրությունից, հապաղում է մարտի մեջ մտնելուց: Սակայն իրենց հրամանատարի քաջությունը տեսնելով, որ փոքրաթիվ զինակիցներով նետվել էր մարտի և սկսել կոտորել քրդերին, մնացածները ևս մտնում են մարտի մեջ, հաղթում և հետապնդում փախչող հակառակորդին ու կոտորելով մեծ մասին, դուրս են քշում երկրի սահմաններից⁶⁴:

Չելեբի-զադեն 1730-ական թվականների մասին գրում է. «Հիշյալ սղմախցիների ոչնչացումից հետո այդ շրջանի լեռներում գտնվող նրանց կողմնակիցներից Կարաչոռլի թուրդերը, շահսեվենցիները և ուրիշներ անձնատուր եղան: Իրենց աշխրեթների մեջ

ապրելու և սրանից հետո հայերի հետ չկապվելու պայմանով սրանց համար հրամանագիրներ գրվեցին և Կարաչոռի աշիրեթի երկրում գրանցում (մարդահամար) տեղի ունեցավ, կայսերական խասերը և միրիվայի խասերը առանձնացվեցին, ստացված արդյունքի (եկամուտի) կեսը իրենց իրրև ապրուստի միջոց, իսկ կեսը՝ Գենջեի գանձարանին հանձնելու պայմանով իբրև սանջակ տրվեց Մեկբան-օղլու-Մուհամմեդ բեյին...»⁶⁵։ Այդ նշանակում է, թե տարբեր ուղիներով ներթափանցած քրդերը օսմանների դեմ պայքարում հայերի դաշնակիցներն էին։

Այսպիսով քրդերի մուտքը թեև արձանագրվում է դեռևս 18-րդ դարում, սակայն զանգվածային ներհոսք կատարվել է հիմնականում 19-րդ դարի առաջին կեսին և վանքապատկան հողերի վրա նրանք բնակվում էին միայն վարձակալական հիմունքներով։ Էթնիկական գերակշռությունը զավառում հայերը սկսել են զիջել միայն 19-րդ դարի կեսերից սկսած։ 19-րդ դարի երկրորդ կեսին և հատկապես դարավերջին եկեղեցին փաստորեն զիջում է նաև իր հողային-կալվածատիրական իրավունքները։

PAVEL CHOBANYAN

ABOUT ETHNIC PROBLEM OF KARVACHAR

Until 19 century Armenians had been the only inhabitants of Karvachar. Thus, although there is evidence of kurds' first entrance in Karvachar in the 18th century, however, their mass inflow took place, in particular, in the first half of the 19th century and they lived on the abby's lands as tenants. Armenians began to lose their ethnic majority since the mid of the 19th century. The church virtually, also lost its land and landowner rights in second half of the 19th century and, especially, at the end of the century.

ԾԱՆՈԹԱԳՐՈՒԹՅՈՒՆՆԵՐ

1. Ս. Կարապետյան. Հայ մշակույթի հուշարձանները Խորհրդային Ադրբեջանին թոմակցված շրջաններում. Երևան, «Գիտություն», 1999, էջ 8-124:
- 1.1 Մ. Բարխուտարյանը հստակ առանձնացնում է Վայկունիքը կամ Վերին Վայկունիքը Ծար գավառից, թեև հաճախ, նրանք նաև նույնանում են /Մակար եպս. Բարխուտարեանց, Աղուանից երկիր և դրացիք։ Արցախ. Եր., «Գանձասար», 1999, էջ 173:
2. Ս. Տ. Երեմյան. Հայաստանը ըստ «Աշխարհացույցի». Երևան, 1963, էջ 82:

3. Պատմություն Սեբեոսի. Աշխատասիրությամբ Գ. Վ. Արզառյանի, Եր. 1979, էջ 88:
4. Նույն տեղում:
5. Մովսես Կաղանկատուացի. Պատմություն Աղուանից աշխարհի. Եր., 1983, էջ 340: Բ. Ուլուքարյան. Խաչենի իշխանությունը 10–16-րդ դարերում, Եր., 1975, էջ 64–73:
6. «Հայերեն ձեռագրերի հիշատակարաններ. Ե–ԺԲ դարեր». Աշխատասիրությամբ Ա.Ս. Մաթևոսյանի, Եր., 1988, էջ 41:
7. Մովսես Կաղանկատուացի. Պատմություն Աղուանից աշխարհի. Եր., 1983, էջ 340:
8. Դիան հայ վիմագրության. հ. 4, Եր., 1973, էջ 334:
9. Նույն տեղում, էջ 340–341:
10. Ստեփանոս Օրբելեան. Պատմություն տանն Սիսական. էջ 310:
11. Գրիգոր Մագիստրոսի թղթերը. Ալեքսանդրապոլ, 1910, էջ 221:
12. Տես Մովսես Կաղանկատուացի, Պատմություն Աղուանից աշխարհի, էջ 353:
13. Նույն տեղում:
14. Գիրք թղթոց, Թիֆլիս, 1901, էջ 536:
15. Դիվան հայ վիմագրության, հատոր 5, էջ 198:
16. Հայերեն ձեռագրերի հիշատակարաններ. ԺԳ դար, Կազմեց Ա. Խ. Մաթևոսյան, Եր., 1984, էջ 228–229: Հմմտ. Բ. Ուլուքարյան, Խաչենի իշխանությունը..., էջ 134:
17. Աշխարհացոյց Վարդանայ վարդապետի, Փարիզ, 1960, էջ 12:
18. Шихаб ад—Дин Мухаммад ан—Насави, История султана Джалал ад—Дина Манкабурну. Баку, 1973, с. 211–212.
19. Ստեփանոս Օրբելյան. Սյունիքի պատմություն, Եր., 1986, էջ 263:
20. Կիրակոս Գանձակեցի. Պատմություն հայոց. Եր., 1961, էջ 322–328:
21. ՄՄ, Կաթող. դիան, թղթ. 240, վավ. 159:
22. ԺԴ դարի հայերեն ձեռագրերի հիշատակարաններ. Կազմեց Լ. Ս. Խաչիկյան, Եր., 1950, էջ 207:
23. Մ. Բարխուդարեանց, Աղուանից երկիր և դրացիք, Թիֆլիս, 1893, էջ 220:
24. ԺԵ դարի հայերեն ձեռագրերի հիշատակարաններ, Կազմեց Լ. Ս. Խաչիկյան, մասն Ա, Եր., 1955, էջ 275–276:
25. ԺԶ դարի հայերեն ձեռագրերի հիշատակարաններ, մասն Ա, էջ 24:
26. Նույն տեղում, էջ 122–123:
27. ԺԶ դարի հայերեն ձեռագրերի հիշատակարաններ, մասն Բ, Եր., 1958, էջ 66:
28. Նույն տեղում, էջ 344:
29. Հ. Շախխանյանց, Ստորագրություն կաթողիկե Էջմիածնի և հինգ զավառացն Արսարատայ, Էջմիածին, 1842, էջ 359: Ա. Հոնեաննիսյան. Դրվագներ հայ ազատագրական մտքի պատմության, գիրք առաջին, Եր., 1957, էջ 458:
30. Մանր ժամանակագրություններ, 12–18-րդ դարեր, կազմեց Վ. Հակոբյան, հ. 2, Եր., 1956, էջ 275, ծ. 34:
31. Մաշտոցի անվան Մատենադարան, Կաթ. դիվան, թղթ. 240, վավ. 134:
32. Մանր ժամանակագրություններ, հ. 2, էջ 244–245: Բնագրի հրատարակիչ Վ. Հակոբյանի ծանոթագրումը, որին հետևել է նաև Առաքել Դավրիժեցու

- Պատմության բնագրի հրատարակիչ ԼԱ.Խանլարյանը, թե «Մա Դադի վանքը չէ, որ գտնվում է Թարթառ գետի ձախ կողմում, Խաթրավանքից քավական վերև, կոչվում է նաև Խութա կամ Գոթալ վանք...ստույգը՝ Թադեի վանք, որ գտնվում է պատմական Աղահեն գավառում /Փոքր Սյունիք/», հիմնավորված չէ/տես նույն տեղում, էջ 253, ծ. 24/։ Ուստի ճիշտ չէ նաև Ա.Դավրիժեցու Պատմության բնագրում Դադիու ձևի փոփոխումը Թադեու ձևով, երբ «բոլոր բնագրերում պահպանվել է Դադիու ձևը»/Առաքել Դավրիժեցի, Գիրք պատմութեանց, Եր., 1990, էջ 534 ծան. 446/։
33. «Տպել» բնակավայրի տեղորոշման մասին տես Ա.Հ.Հակոբյան, Հ.Ե.Միմոնյան, Դադիվանքի նորահայտ արձանագրությունը և «Տպելի» տեղադրության հարցը, — «Պատմա-բանասիրական հանդես», 1998, թիւ 1-2, էջ 230-231։
 34. Հայերեն ձեռագրերի հիշատակարաններ, ԺԷ դար, հատոր Ա, Եր., 1974, էջ 218-219։
 35. Նույն տեղում, էջ 736։
 36. Հայերեն ձեռագրերի հիշատակարաններ, ԺԷ դար, հատոր Բ, էջ 443։
 37. Հայերեն ձեռագրերի հիշատակարաններ, ԺԷ դար, հատոր Գ, Երևան, 1984, էջ 601-602։
 38. Նույն տեղում, էջ 261-262։
 39. Նույն տեղում, էջ 262։
 40. Նույն տեղում, էջ 489։
 41. Նույն տեղում, էջ 865։
 42. Նույն տեղում, էջ 654-655։
 43. ՄՄ, ձեռ. 4074։
 44. ՄՄ, ձեռ. 3601։
 45. ՄՄ, ձեռ. 2067, էջ 470-471։ Հիշատակարանի հրատարակությունը տես Լեո, Հայոց պատմություն, հ. 3, մասն 2, էջ 28-29։
 46. «Յուցակ հայերեն ձեռագրաց Վասպուրականի», պրակ Ա, կազմեց Ե.Լալայան, Թիֆլիս, 1915, էջ 998-1000։
 47. Տես Բ.Սարգիսեան, Յուցակ..., Բ, էջ 132-134։ «Միոն», 1927, էջ 178-182։Սկստիչ եպս. Աղավնունի, Միաբանք և այցելութ հայ Երուսաղեմի,Երուսաղեմ, 1931, էջ12։
 48. «Դիվան հայ վիմագրության», պրակ 4, էջ 332։
 49. "Армяно-русские отношения в первой трети 18-го столетия", т. 11, ч.1, Ереван, 1964, с. 383.
 50. Մակար եպս. Բարխուտարեանց, Աղուանից երկիր և դրացիք։ Արցախ Երևան, 1999, էջ 275։
 51. Տես И.П.Петрушевский. Очерки по истории феодальных отношений в Азербайджане и Армении в 16-начале 19 вв. Ленинград, 1949, с.143.
 52. Միմոն Երևանցի. Ջամրո, Վաղարշապատ, 1873, էջ 283-284։
 53. Տես АКАК, հ. 3, էջ 443։
 54. АКАК, հ. 6, էջ 834։ Տես նաև Խ.Մ.Չատուհ, Ռոտա-քրդական հարաբերությունների պատմությունից, — «Մերձավոր և Միջին Արևելքի երկրներ և ժողովուրդներ», հ. 13, Քրդագիտություն. Երևան, 1985, էջ 71։
 55. ՄՄ, Կաթ. Դիվան, քոթ. 240, վավ. 86։

56. Լեօ, Պատմութիւն Ղարաբաղի հայոց քեմական հոգեւոր դպրոցի /4-1838-1913/, Թիֆլիզ, էջ 174:
57. «Փորձ», 1880, հ. 5, էջ 159-160:
58. Նույն տեղում, էջ 160, ծան. 1:
59. Մակար եպս. Բարխուտարեանց. Աղտանից երկիր և դրացիք: Արցախ, Երևան, 1999, էջ 265:
60. Ջաքարեայ սարկաազի Պատմագրութիւն. հատոր երկրորդ, Վաղարշապատ, 1870, էջ 8-10:
61. Նույն տեղում, էջ 105:
62. Армяно-русские отношения в первой трети 18-го века. Т. 2, ч. 2, Ереван, 1967, с. 249.
63. Արրահամ Կրետացի. Պատմության, Երևան, 1973, էջ 150:
64. Հավանաբար այս ընդհարման արձագանքներն էին հասել Իտալիա, որտեղ այդ մասին տեղեկանում է նաև Նախիջևանի Օգոստինոս Բաջինց եպիսկոպոսը 1630 թ.: Տես Հ. Սահակ Ճեմճեմեան, Նախիջևանի հայոց վարժարանը և Հոմը, Վենետիկ, 2000, էջ 84:
65. «Թուրքական աղբյուրները Հայաստանի, հայերի և Անդրկովկասի մյուս ժողովուրդների մասին». հ. Ա, կազմեց Ա. Խ. Սաֆրաստյան, Եր., 1961, էջ 159: